

Convocatoria da Dirección Xeral de Centros e Recursos Humanos, de 12 de abril de 2021, no contexto do PLAN LÍA de Bibliotecas Escolares (*Lectura, Información e Aprendizaxe*), do VII CONCURSO DE TRABALLOS POR PROXECTOS baixo a coordinación (ou coa participación) da biblioteca escolar, en centros públicos non universitarios de titularidade da Consellería de Cultura, Educación e Universidade, para o curso 2020/2021.

A Lei Orgánica 2/2006, de 3 de maio, de Educación (modificada pola Lei Orgánica 3/2020, de 29 de decembro, de Educación) establece, no seu preámbulo como un dos principios básicos que inspira o sistema educativo o traballo da comprensión lectora, da expresión oral e escrita, da creación artística, da comunicación audiovisual, da competencia dixital, do fomento da creatividade e do espírito científico, en todas as áreas da educación primaria. No artigo 2.2 da devandita Lei indícase que os poderes públicos prestarán unha atención prioritaria ao conxunto de factores que favorecen a calidade da ensinanza e, en especial, a cualificación e formación do profesorado, o seu traballo en equipo, a dotación de recursos educativos, a investigación, a experimentación e a renovación educativa, o fomento da lectura e o uso de bibliotecas, a autonomía pedagóxica, organizativa e de xestión, a función directiva, a orientación educativa e profesional, a inspección educativa e a avaliación.

No artigo 19.4, e no artigo 26.2, en relación aos principios pedagóxicos da Educación Primaria e Secundaria respectivamente, con obxecto de fomentar a integración das competencias, adicarase un tempo do horario lectivo á realización de proxectos significativos e relevantes para o alumnado e á resolución colaborativa de problemas, reforzando a autoestima, a autonomía, a reflexión e a responsabilidade.

O artigo 113 da devandita Lei fai unha mención específica ás bibliotecas escolares sinalando que os centros de ensinanza disporán dunha biblioteca escolar, engadindo que estes recursos educativos contribuirán a fomentar a lectura e a que o alumnado acceda á información e outros recursos para a aprendizaxe das demais áreas e materias, e poida formarse no uso crítico dos mesmos, debendo contribuír estas bibliotecas escolares a facer efectivos os principios pedagóxicos referidos á lectura.

O Marco de referencia sobre as bibliotecas escolares, publicado polo Ministerio de Educación en 2011 recolle no capítulo 4, entre os ámbitos de actuación da biblioteca escolar, os programas para a adquisición da competencia informacional (ALFIN, tratamento da información e competencia dixital), detallando que o papel da biblioteca escolar sería o de dispoñer os recursos de forma efectiva, orientar na súa utilización, deseñar xunto co resto do profesorado programas de formación na busca, selección e uso das fontes informativas e o traballo documental, apoiar propostas de proxectos interdisciplinarios que favorezan o uso dos recursos informativos e a elaboración de traballos de investigación documental, e axudar ao profesorado a que desde as súas respectivas materias reforce estas aprendizaxes.

O desenvolvemento curricular galego recoñece a necesidade de incorporar metodoloxías por proxectos ás prácticas docentes. Así, o Decreto 105/2014, do 4 de setembro, polo que



se establece o currículo de educación primaria na Comunidade Autónoma de Galicia, no seu artigo 15, punto 2, recolle que “a metodoloxía didáctica será fundamentalmente comunicativa, inclusiva, activa e participativa, e dirixida ao logro dos obxectivos e das competencias clave. Neste sentido prestarase atención ao desenvolvemento de metodoloxías que permitan integrar os elementos do currículo mediante o desenvolvemento de tarefas e actividades relacionadas coa resolución de problemas en contextos da vida real”. Á súa vez, o Decreto 86/2015, do 25 de xuño, polo que se establece o currículo da educación secundaria obrigatoria e do bacharelato na nosa Comunidade, recolle varias referencias a estas metodoloxías. Así no artigo 11, punto 9, contempla que “para unha adquisición eficaz das competencias e a súa integración efectiva no currículo, deberán deseñarse actividades de aprendizaxe integradas que lle permitan ao alumnado avanzar cara aos resultados de aprendizaxe de máis dunha competencias ao mesmo tempo. Para isto, aproveitaranse as posibilidades que ofrecen as metodoloxías de proxectos, entre outras, así como os recursos e as actividades da biblioteca escolar”.

O Plan LÍA (Lectura, Información e Aprendizaxe) de Bibliotecas Escolares da Consellería de Cultura, Educación e Universidade contempla, entre os seus obxectivos, apoiar a adquisición das competencias clave do alumnado e contribuír a un maior logro académico, mellores resultados e actitudes de aprendizaxe. Así mesmo quere incentivar o uso das bibliotecas escolares por parte das comunidades educativas. Entre os seus ámbitos de actuación están deseñar e desenvolver programas para a mellora da competencia informacional e mediática (ALFIN /AMI) así como propiciar a aprendizaxe por proxectos e outras metodoloxías activas, empregando os recursos e servizos da biblioteca no desenvolvemento das prácticas cotiás, con apoio preferente ás metodoloxías activas e colaborativas.

Desde os inicios das actuacións para a renovación das bibliotecas dos centros, a través do Plan de mellora de bibliotecas escolares, a Administración educativa galega apostou por un modelo de biblioteca que favorecese a formación de lectores competentes, pero tamén o desenvolvemento de competencias clave na sociedade da información, nomeadamente, a competencia informacional ou para o uso e produción de información. Estes contidos foron incluídos no itinerario formativo destinado á formación permanente do profesorado no ámbito das bibliotecas escolares.

Así, as convocatorias do Plan de mellora de bibliotecas escolares pretenden impulsar a existencia de bibliotecas que recollan, entre outros, “o deseño e desenvolvemento de programas para a adquisición da competencia informacional ou de uso, tratamento e produción de información nos diferentes soportes e formatos”, así como “as posibilidades que ofrece a biblioteca para a incorporación de metodoloxías innovadoras e consecuentes coas necesidades educativas actuais.”

As instrucións de 1 de setembro de 2020, da Dirección Xeral de Centros e Recursos Humanos, en relación coa organización e o funcionamento das bibliotecas escolares, para o curso 2020/21 recollen na cláusula Primeira, punto 7, que a biblioteca escolar deberá facilitar o tratamento transversal dos contidos e un enfoque interdisciplinario en proxectos e actividades, contribuíndo así aos cambios metodolóxicos imprescindibles.



A través do seguimento do Plan LÍA coñécese o importante esforzo que están a facer as comunidades educativas en consonancia con todo o anterior, e que se pon de manifesto no importante número de centros que xa están introducindo a metodoloxía de aprendizaxe por proxectos, liderados pola biblioteca escolar ou que se desenvolve co seu apoio e que continuaron o seu labor mesmo en tempos da COVID-19.

Trala boa recepción por parte do profesorado das convocatorias anteriores desta iniciativa e ante a imposibilidade de facela efectiva no curso 2019/20, cómpre realizar unha nova convocatoria que recolla os proxectos realizados no citado curso como os do 2020/2021.

Á vista de todo o anterior, a Dirección Xeral de Centros e Recursos Humanos, que coordina as intervencións da Consellería de Cultura, Educación e Universidade en materia de bibliotecas escolares e fomento da lectura, dispón:

Apartado 1: Obxecto, destinatarios e financiamento.

1. Estimular, mediante o recoñecemento de boas experiencias de traballos por proxectos, o deseño e desenvolvemento de proxectos de carácter interdisciplinario ou de proxectos de investigación, baixo a coordinación do equipo de biblioteca escolar ou co apoio desta, na liña da metodoloxía de aprendizaxe baseada en proxectos, realizados en centros non universitarios durante o curso pasado, 2019/2020, e/ou o presente curso, 2020/2021.

2. Poderán participar neste VII Concurso de Traballos por Proxectos os centros públicos non universitarios de titularidade da Consellería de Cultura, Educación e Universidade, das distintas tipoloxías.

3. As experiencias seleccionadas serán galardoadas con asignacións extraordinarias para o funcionamento da biblioteca escolar, a través da partida orzamentaria 10.31.423A.640.5, destinada a programas de atención á biblioteca escolar, do orzamento da Consellería de Cultura, Educación e Universidade, para o ano 2021, e por un máximo global de 34.500€.

4. Os premios serán compatibles con outros ingresos ou recursos destinados á biblioteca escolar e ao seu funcionamento, así como premios de innovación ou outros, procedentes de calquera Administración pública, entes públicos ou privados, da comunidade, nacionais, da Unión Europea ou de organismos internacionais.

5. Non se premiarán proxectos asesorados ou patrocinados por entidades privadas.

Apartado 2. Modalidades de participación.

Os centros participantes deberán optar por unha destas modalidades:

1. Proxectos de carácter interdisciplinario, ou *Proxectos Documentais Integrados*¹, coordinados desde a biblioteca escolar, e que contén coa participación dun mínimo do 40% dos grupos-aula existentes no centro (e un 40% dos departamentos, no caso dos centros de ensinanza secundaria).

¹





2. Proxectos de investigación dirixidos por profesorado dun grupo, nivel, ciclo ou departamento, nas seguintes sub-modalidades:
 - a) Traballos de grupo/nivel.
 - b) Traballos de grupos internivelares/ departamento.
 - c) Proxectos realizados na materia de libre configuración de 1º/2º de ESO “Investigación e Tratamento da Información”, ou noutras materias equivalentes en ESO ou primaria.
Todos estes traballos teñen que realizarse co apoio e colaboración da biblioteca escolar e contando cos seus recursos e posibilidades.
3. Proxectos de investigación intercentros, promovidos desde as bibliotecas de ata un máximo de tres centros de ensino co fin de desenvolver un proxecto común.

A temática escollida para calquera proxecto presentado a través das tres primeiras modalidades pode ser de calquera ámbito do coñecemento.

4. Proxectos realizados con metodoloxía científica. Co fin de estimular a curiosidade por distintos fenómenos das ciencias experimentais ou sociais e reforzar o desenvolvemento do pensamento científico do alumnado, establécese unha nova modalidade, á que se poderán presentar traballos realizados co apoio dos recursos e oportunidades da biblioteca escolar, en calquera dos formatos anteriores: proxecto interdisciplinario, grupo-nivel, grupo internivelar/departamento ou na materia de “Investigación e Tratamento da Información” de 1º/2º de ESO, ou semellante en ensino primario, baixo as pautas do método científico.

Apartado 3. Requisitos e modo de presentación de traballos.

1. Cada centro poderá presentar un só traballo polas modalidades 1 e 3; e un máximo de dous traballos polas modalidades 2 e 4.
2. Os proxectos responderán a temas de interese do alumnado ou pertinencia educativa, desenvolverán contidos curriculares e deberán contribuír á adquisición de competencias claves do alumnado, o que deberá detallarse.
3. A **solicitude de participación**, coa información recollida nos anexos I e II desta convocatoria, presentarse mediante a persoa responsable da dirección do centro, a través dun formulario dispoñible na páxina de Bibliotecas Escolares de Galicia, no enderezo <https://www.edu.xunta.gal/biblioteca/blog/?q=tp2021/solicitude>. No caso da modalidade 3, cada un dos centros participantes deberá facer a súa solicitude, segundo o modelo recollido no anexo II.
4. Anexarase unha memoria (cun máximo de 16 páxinas, tamaño de fonte 12, a dobre espazo) que contemple os seguintes apartados:
 - a. Introducción (xustificación e planificación con referencia aos contidos curriculares, criterios e estándares de avaliación, así como competencias clave a desenvolver a través do proxecto; calendario para as tarefas previstas, alumnado e profesorado participante, organización para a súa realización...).
 - b. Obxecto ou temática de investigación propostos.
 - c. Breve descrición do proceso de deseño e elaboración da proposta.
 - d. Documentación elaborada para profesorado e alumnado.
 - e. Relación das tarefas máis importantes realizadas ao longo do proxecto polo alumnado.





- f. Recursos utilizados así como unha enumeración detallada das principais fontes consultadas para a investigación.
 - g. Implicación da comunidade educativa, no seu caso.
 - h. Difusión dos traballos entre a comunidade educativa.
 - i. Avaliación realizada en relación cos criterios de avaliación e as competencias clave do currículo, entre outros aspectos. Procedementos empregados.
 - l. Función e participación da biblioteca escolar en todo o proceso.
Incluirase material gráfico (formatos JPG ou PNG), materiais elaborados desde a biblioteca ou directamente polo alumnado, en arquivo PDF, ou unha dirección *url* no que están aloxados e se poden consultar; o material multimedia elaborado, en arquivos SWF, FLV, MP4, ODP, PPT, así como o enderezo do espazo web que, no seu caso, recolla os recursos empregados e os produtos finais do proxecto.
5. No caso de participar pola **modalidade 3**, os centros deberán entregar, ademais da memoria individual (que deberá axustarse ao realizado en cada centro), unha memoria conxunta (cun máximo de 4 páxinas) onde se contemplan os seguintes apartados:
- a) Xustificación do proxecto.
 - b) Organización e calendario.
 - c) Breve descrición do proceso de deseño e elaboración da proposta conxunta.
 - d) Avaliación conxunta do desenvolvemento do proxecto.
6. O prazo para a presentación de solicitude de participación, das memorias correspondentes e do resto da documentación remata o **10 de xullo de 2021**.

A Dirección Xeral de Centros e Recursos Humanos poderá solicitar dos centros a documentación complementaria que estime oportuna antes de resolver a convocatoria.

Apartado 4. Xurado para a valoración dos proxectos.

Establecerase un xurado para a valoración dos traballos presentados, presidido polo Director Xeral de Centros e Recursos Humanos, ou persoa en que delegue, e estará integrado por:

- A Subdirectora Xeral de Centros.
- As persoas integrantes da Asesoría de Bibliotecas Escolares.
- Un/unha funcionario/a da Subdirección Xeral de Centros, que actuará como secretario/a con voz e sen voto.

O xurado poderá dispoñer a constitución dunha comisión técnica formada por profesorado experto a efectos de colaboración na valoración das experiencias presentadas.

Apartado 5. Criterios de valoración.

Teranse en conta os seguintes criterios de valoración:

1. Orixinalidade, interdisciplinabilidade do proxecto e calidade técnica do traballo realizado. Máximo 15 puntos.
2. Contribución ao desenvolvemento do currículo e adquisición de competencias clave. Máximo 20 puntos.





3. Contribución específica á competencia informacional e mediática do alumnado, mediante actividades integradas no desenvolvemento do proxecto. Máximo 18 puntos.
4. Participación de alumnado, profesorado e comunidade educativa no seu conxunto. Máximo 17 puntos.
5. Aproveitamento das posibilidades e os recursos da biblioteca escolar. Máximo 20 puntos.
6. Integración da biblioteca e outros equipos e programas do centro para o desenvolvemento do proxecto. Máximo 10 puntos.

Apartado 6. Resolución do concurso.

Serán galardoados os traballos con maior puntuación en cada unha das modalidades contempladas nesta convocatoria, e sempre que acaden unha puntuación superior a 60 puntos. Os premios poderán declararse desertos en unha ou varias das modalidades contempladas. Cando isto ocorra poderá ampliarse o número de traballos seleccionados nalgunha das outras modalidades, coa redistribución das asignacións pertinente.

1. Modalidade 1:
Seis premios con asignación de 2.000€, destinada a atender as necesidades da biblioteca escolar, especialmente no ámbito da información.
2. Modalidade 2:
 - a. Traballos de grupo/nivel: dous premios con asignación de 1.500€, destinada a atender as necesidades da biblioteca escolar, especialmente no ámbito da información.
 - b. Traballos de grupo internivelar/departamento: dous premios con asignación de 1.500€, destinada a atender as necesidades da biblioteca escolar, especialmente no ámbito da información.
 - c. Proxectos realizados na materia de libre configuración de 1º/2º de ESO “Investigación e Tratamento da Información”, ou noutras materias equivalentes en ESO ou primaria: tres premios con asignación de 1.500€, destinada a atender as necesidades da biblioteca escolar, especialmente no ámbito da información.
3. Modalidade 3:
Proxectos de investigación intercentros: un premio con asignación de 3.000€, que se repartirán entre os centros asociados, a partes iguais.
4. Modalidade 4:
 - a. Proxectos realizados con metodoloxía científica: seis premios con asignación de 1.500 euros, destinada a atender as necesidades da biblioteca escolar, especialmente no ámbito da información.

Apartado 7. Resolución.

Trala resolución do xurado, a Dirección Xeral de Centros e Recursos Humanos fará público a través do Portal Educativo da Consellería de Cultura, Educación e Universidade o resultado deste concurso, nun prazo de seis meses a contar desde a finalización do prazo de presentación da solicitude de participación e dos traballos realizados, transcorridos os cales sen que houbose resolución expresa, entenderase desestimada a solicitude.





A consellería poderá convocar aos responsables dos centros e dos traballos presentados a un acto de entrega simbólica dos galardóns. Igualmente, poderán ser convocados a presentar os proxectos premiados en xornadas de formación en materia de bibliotecas escolares. As asignacións realizaranse directamente na conta dos centros seleccionados. Xustificárase o gasto realizado nun impreso específico que se poñerá a disposición dos centros.

Apartado 8. Difusión das experiencias

Os proxectos serán propiedade dos seus autores pero estes recoñecen (pola simple participación nesta convocatoria) á Consellería de Cultura, Educación e Universidade o dereito de reprodución, publicación, difusión, distribución e comunicación (en calquera soporte e formato) dos proxectos premiados para a súa consulta e descarga en liña do seu contido en calquera dos medios dispoñibles (nomeadamente na páxina web de Bibliotecas Escolares de Galicia²), e en calquera das formas, medios e modalidades que a tecnoloxía permita. Así mesmo, poderán ser difundidos a través das actividades e dos medios da Rede de formación permanente do profesorado. Os centros poderán publicar estes traballos nos seus espazos web indicando, no seu caso, que foron obxecto de recoñecemento por parte da Consellería de Cultura, Educación e Universidade a través deste concurso.

Santiago de Compostela, 12 de abril de 2021

O DIRECTOR XERAL DE CENTROS E RECURSOS HUMANOS



Jesus Manuel Álvarez Bértola





ANEXO I

ACTUACIÓN	DOCUMENTO
Solicitud de participación no VII CONCURSO DE TRABALLOS POR PROXECTOS desde/coa Biblioteca Escolar realizados durante o curso 2019/20 e/ou 2020/21– Modalidades 1-2-4	SOLICITUDE

DATOS DO SOLICITANTE

Nome do Centro		Código	Nº de alumnos/as
Enderezo			
Concello	C.P.	Tfno.	e-mail

Don/Dona, como director/a do centro, solicita a participación na convocatoria do VII CONCURSO DE TRABALLOS POR PROXECTOS, da Dirección Xeral de Centros e Recursos Humanos, de ... de abril de 2021, pola que se recoñece e impulsan experiencias de traballo por proxectos coordinados desde a biblioteca escolar ou realizados coa participación e colaboración desta.

As contías asignadas, no caso de que o proxecto que se presenta resulte galardoado, dedicaranse integramente á atención da biblioteca escolar, especialmente no ámbito da información.

En a de de 2021

Asdo.:

Modalidade pola que se presenta (marcar cun X segundo corresponda)

Modalidade 1: Proxectos de carácter interdisciplinario cun mínimo dun 40% de participación
Título do proxecto:

<input type="checkbox"/>	Modalidade 2:		
	Traballos de grupo/nivel	Nº de proxectos presentados	
	Traballos de grupo internivelar /departamento	Nº de proxectos presentados	
	Proxectos realizados na materia Proxectos realizados na materia de libre configuración de 1º/2º de ESO “Investigación e Tratamento da Información”, ou noutras materias equivalentes en ESO ou primaria.		

Modalidade 4: Proxectos realizados con metodoloxía científica. Nº de traballos presentados

Documentación que se presenta

- Breve memoria sobre a realización do proxecto (en arquivo editable e arquivo PDF)
- Material gráfico (en formato JPG ou PNG)
- Materiais elaborados (arquivo PDF)
- Material multimedia ou dixital: url no que está aloxado ou arquivo SWF, FLV, MP4, ODP, PPT
- Enderezo Url do espazo web no que está aloxado o proxecto:
- Outros materiais

Presentarase a través da persoa responsable da dirección do centro mediante un formulario dispoñible na páxina de Bibliotecas Escolares de Galicia, no enderezo <https://www.edu.xunta.gal/biblioteca/blog/?q=tpp2021/solicitud>

SR. DIRECTOR XERAL DE CENTROS E RECURSOS HUMANOS
CONSELLERÍA DE CULTURA, EDUCACIÓN E UNIVERSIDADE
SAN CAETANO – 15781 SANTIAGO DE COMPOSTELA



**ANEXO II**

ACTUACIÓN	DOCUMENTO
Solicitud de participación no VII CONCURSO DE TRABALLOS POR PROXECTOS desde/coa Biblioteca Escolar realizados durante o curso 2019/20 e/ou 2020/21.	SOLICITUDE
Modalidade 3	

DATOS DO SOLICITANTE

Nome do Centro		Código	Nº de alumnos/as
Enderezo			
Concello	C.P.	Tfno.	e-mail
CENTRO INTEGRANTE 2		CENTRO INTEGRANTE 3	
Código	Nome do centro 2	Código	Nome do centro 3

Don/Dona, como director/a do centro, solicita a participación na convocatoria do VII CONCURSO DE TRABALLOS POR PROXECTOS, da Dirección Xeral de Centros e Recursos Humanos, de ...de abril de 2021, pola que se recoñece e impulsan experiencias de traballo por proxectos coordinados desde a biblioteca escolar ou realizados coa participación e colaboración desta.

As contías asignadas, no caso de que o proxecto que se presenta resulte galardoado, dedicaranse integramente á atención da biblioteca escolar, especialmente no ámbito da información.

En a de de 2021

Asdo.:

Modalidade 3: Proxectos de investigación intercentros, promovidos desde as bibliotecas de ata un máximo de tres centros de ensino co fin de desenvolver un proxecto común, de temática xeral ou científica.

Título do proxecto

Documentación que se presenta

- Breve memoria sobre a realización do proxecto no centro (en arquivo editable e arquivo PDF)
- Memoria conxunta dos centros integrantes
- Material gráfico (en formato JPG ou PNG)
- Materiais elaborados (arquivo PDF)
- Material multimedia ou dixital: Url no que está aloxado ou arquivo SWF, FLV, MP4, ODP, PPT
- Enderezo url do espazo web no que está aloxado o proxecto:
- Outros materiais

Presentarase a través da persoa responsable da dirección do centro mediante un formulario dispoñible na páxina de Bibliotecas Escolares de Galicia, no enderezo <https://www.edu.xunta.gal/biblioteca/blog/?q=tpp2021/solicitud>

SR. DIRECTOR XERAL DE CENTROS E RECURSOS HUMANOS
CONSELLERÍA DE CULTURA, EDUCACIÓN E UNIVERSIDADE
SAN CAETANO – 15781 SANTIAGO DE COMPOSTELA